

9. KIKO HASI DEN KASO DI AKSIDENTE NA TRABOU

TA EKSISTI UN OBLIGASHON PA MÈLDU?

Konforme art.2 insiso 7 di e ordenansa pa seguridat, un donyo o gerensia di un empresa tin e obligashon pa mèldu tur aksidente na trabou na entre otro e Inspekshon di Seguridat i polis.

KUA TA E AKSIDENTENAN KU MESTER MÈLDU?

Donyo o gerensia di e empresa sin mas mester notifiká e siguiente aksidentenan:

- a. Aksidentenan ku morto komo konsekuensia;
- b. Aksidentenan den kua e viktima(nan) mester wordu atendé den un instituto di kuido;
- c. Aksidentenan ku ta okashona heridanan di kual e viktima(nan) por keda kompleta mente o parsialmente inbalido;
- d. Aksidentenan ku pa motibu di sirkumstansianan pa kasualidat no a resulta den danyo personal;
- e. Aksidentenan ku ta okashona heridanan ku lo tin komo konsekuensia "absenteismo".

LUGA DI E AKSIDENTE.

E lugá kaminda e aksidente a tuma luga mester keda mas tantu ku ta posibel intakto pa di tal manera fasilítá un eventual investigashon di e

instansia gubernamental (Inspekshon di Seguridat).

KI ORA I SERKA KEN MESTER MÈLDU?

E donyo o gerensia di e empresa mester méldu mas pronto posibel despues di e aksidente -en todo kaso dentro di bintikuater ora- na **Inspekshon di Seguridat**.

Pa méldu aksidente pero tambe pa tur otro akontesimentu di seguridat por yama e siguiente numbernan:

Inspekshon di Seguridat.

Kanaalsteeg 1

Philipsburg | Sint Maarten, W.I.

Ph: +1-721-5422059/5422079